



সাতসকালেই শটআউট, খুন প্রোমোটর

ঘটনাকে কেন্দ্র করে ধুকুমার কড়েয়া • অভিযুক্তর বাড়ি ভাঙচুর



ফজরুল রহমান

স্টাফ রিপোর্টার: সাতসকালেই গুলি। আর সেই গুলিতেই প্রাণ হারালেন এক প্রোমোটর। মৃতের নাম আতিকুর ওরফে ফজরুল রহমান।

এলাকায়। এই ঘটনায় নাম জড়িয়েছে আতিকুরের প্রতিবেশী ভোলা ওরফে শেখ ইন্দির। পেশায় সেও প্রোমোটর। ভাগ বাটোয়ারা নিয়ে বামেলার জেরেই ভোলা আতিকুরকে পয়েন্ট ব্ল্যাক রেঞ্জ থেকে গুলি করে খুন করে বলে অভিযোগ। প্রোমোটরিং বিবাদেই এই খুন বলে অভিযোগ আতিকুরের পরিবারের। ঘটনার পর থেকেই পলাতক অভিযুক্ত। এই ঘটনাকে কেন্দ্র করে উত্তপ্ত হয়ে ওঠে কড়েয়ার ব্রাইট স্ট্রিট। অভিযুক্তর বাড়িতে ভাঙচুর চালায় স্থানীয়রা। এদিন সন্ধ্যা নাগাদ পুলিশের জালে ধরা পড়ে অভিযুক্ত ভোলা। মোবাইল ফোনের সূত্র ধরে তাকে পাকড়াও করা হয়।



ছিলেন সেই সময় সেখানে এসে মধ্যে বচসা শুরু হয়। হাজির হয় ভোলা। তাদের চিংকার-ঠেচামেচি শুরু হতেই

সেখানে ছুটে আসেন ফজরুল রহমানের বোন ও ভগ্নিপতি। সেই বচসা থামানোর চেষ্টাও করেন দু'জন। কিন্তু কিছু বুঝে ওঠার আগেই খুব কাছ থেকে ফজরুল রহমানকে গুলি করে বসে ভোলা। ঘটনার পরেই সেখান থেকে চম্পট দেয় ভোলা। রক্তাক্ত অবস্থায় ফজরুলকে এসএসকেএম হাসপাতালে নিয়ে যাওয়া হয়। সেখানেই ফজরুলকে মৃত বলে ঘোষণা করা হয়। মৃতের বোনের কথায়, ভোলা বাড়ির সামনে এসে দাদার সঙ্গে কথা বলতে শুরু করে। কথা কাটাকাটি শুরু হওয়ায় আমরা ছুটে আসি। আরও অনেকেই এসে হাজির হয়। কিন্তু কোনও মতেই কথা কাটাকাটি থামানো যায়নি। এরই মধ্যে গুলি করে ভোলা। ফজরুল রহমানের মৃত্যুর খবর ছড়িয়ে পড়তেই অভিযুক্ত ভোলার বাড়িতে চড়াও হয় উত্তেজিত জনতা। তার বাড়িতে

চলে ভাঙচুর। গাঁহিতি, শাবল দিয়ে ভোলার অফিস ভাঙচুর করা হয়। ছুঁড়ে ফেলা হয় কাগজপত্র ও আসবাব। তাতে আঙুনও লাগিয়ে দেওয়া হয়। ঘটনায় ব্রাইট স্ট্রিটে ব্যাপক পুলিশ মোতায়েন করা হয়। ঘটনাস্থলে ছুটে যান পুলিশের শীর্ষ কর্তারাও। ঘটনার পরেই অভিযুক্তর খোঁজে তল্লাশি অভিযানে নামে পুলিশ। তবে রাজ্যের মন্ত্রী ফিরহাদ হাকিমের আশ্বাস, 'দুষ্কৃতীরা শান্তি পাবেই। আমাদের পুলিশ খুব সক্রিয়। পুলিশ তার কাজ করবে।' তাঁর আরও সংযোজন, 'দুষ্কৃতীরা থাকে, কিন্তু আমাদের প্রশাসন খুব কার্যকরী। এগুলো আটকানো যাবে। দুষ্কৃতীরা গ্রেফতার হবে। তাদের আদালতে পেশ করা হবে।'


ইতিমধ্যেই ভোলার বাড়ি ও তার অফিস সিল করে দিয়েছে পুলিশ। স্থানীয়দের দাবি, এলাকায় একাধিক অপরাধমূলক কাজের সঙ্গে জড়িত ছিল ভোলা। এর জন্য তাকে জেলেও যেতে হয়। জেল থেকে ছাড়া পাওয়ার পর এলাকায় প্রোমোটরিং ব্যবসা শুরু করে সে। এলাকার একটি জায়গা নিয়েই ফজরুলের সঙ্গে তার বামেলার সূত্রপাত বলে প্রাথমিকভাবে অনুমান। একসময় তাদের মধ্যে সম্পর্কও ছিল। কিন্তু জমির ভাগ নিয়ে দু'জনের মধ্যে সম্পর্কের অবনতিও হয়। জানা গিয়েছে, ১৬ একর/৩ ব্রাইট স্ট্রিটে একটি ৩০ বর্গফুটের জমি রয়েছে। সেখানে বেআইনি নির্মাণকাজও হচ্ছে। সেই জমি নিয়েই দু'জনের মধ্যে বিবাদ। এই জমি কার দখলে থাকবে, তা নিয়েই এই ঘটনা বলে জানা গিয়েছে। সোমবার রাতেও এই জমি নিয়ে ফজরুলের সঙ্গে ভোলার বামেলা হয়। প্রোমোটরিং

দৌরাছ্যের জেরেই যে এই বিপত্তি তাতে কোনও সন্দেহ নেই। তবে এই ঘটনার পিছনে অন্য কোনও কারণ আছে কিনা তার হদিশ পেতে তদন্ত শুরু করেছে পুলিশ। এদিন ঘটনাস্থলে যায় পুলিশের আধিকারিকরা। গোটা ঘটনার গভীরে পৌঁছাতে তদন্ত চালাচ্ছে লালাবাজারের গোয়েন্দা শাখা। তদন্তে কাজ করছেন গুণ্ডা দমন শাখার আধিকারিকরাও। স্থানীয় সূত্রে জানা গিয়েছে, এদিন ফজরুল রহমানকে গুলি করার পর ঘটনাস্থল থেকে হেঁটে হেঁটেই চম্পট দেয় ভোলা। অলি গলি ঘুরে মেন রোডে গিয়ে সাধারণ মানুষের মধ্যে মিশে গিয়ে গা-টাকা দেয় অভিযুক্ত এই প্রোমোটর। তারপর থেকে বেপাতা সে। তবে, মোবাইল ফোনের সূত্র ধরে শেষ পর্যন্ত পুলিশের জালে ধরা পড়ে ভোলা।

স্কুলে সিসিটিভি বাধ্যতামূলক নয় : পার্থ

সংবাদমাধ্যমে প্রকাশিত খবরের রিপোর্ট নেবে শিক্ষা দফতর

স্টাফ রিপোর্টার: একের পর এক স্কুলে যৌন নির্যাতনের ঘটনা সামনে আসার পর থেকেই স্কুলগুলিতে সিসিটিভি বসানোর সিদ্ধান্ত নিয়েছিল শিক্ষা দফতর। একই সিদ্ধান্ত নেওয়া হয়েছিল কলেজ-বিশ্ববিদ্যালয়ের ক্ষেত্রেও। তবে আপাতত যানিকটা পিছু হটল শিক্ষা দফতর। প্রাথমিকভাবে স্কুলগুলিতে সিসিটিভি বাধ্যতামূলক নয় বলে মঙ্গলবার জানিয়ে দিলেন শিক্ষামন্ত্রী পার্থ চট্টোপাধ্যায়। পাশাপাশি এবার থেকে রাজ্যের স্কুলগুলি সম্পর্কে সংবাদমাধ্যমে প্রকাশিত খবর শিক্ষা দফতর পাঠানোও বাধ্যতামূলক করছে শিক্ষা দফতর। এদিন নবামে তিনি বলেন, 'স্কুলে সিসিটিভি বাধ্যতামূলক করা হচ্ছে না। আমাদের মূল লক্ষ্য শিক্ষার পরিমার্জন উন্নয়ন করা। গ্রামাঞ্চলে বহু স্কুল রয়েছে। যেগুলির আরও মানোন্নয়ন জরুরি।' এই সিদ্ধান্তের ফলে স্কুলে সিসিটিভির ব্যবস্থা আর বাধ্যতামূলক থাকছে না। তবে কোনও স্কুল যদি নিজের উদ্যোগে এই ব্যবস্থা নেয়, সেক্ষেত্রে শিক্ষা দফতরের কোনও আপত্তি নেই বলেও মঙ্গলবার জানিয়ে দেন পার্থ চট্টোপাধ্যায়। তাঁর বক্তব্য, 'আমরা বাধ্যতামূলক না করলেও, কোনও স্কুল যদি নিজেরা উদ্যোগী হয়, সেক্ষেত্রে আমাদের কোনও আপত্তি নেই।'



পার্থ চট্টোপাধ্যায়

স্পষ্ট করে দেন শিক্ষামন্ত্রী বলেন, 'তবে স্কুলে সিসিটিভি বাধ্যতামূলক না হলেও, বিশ্ববিদ্যালয়ে সিসিটিভি বসাতেই হবে, তবে কলেজে সিসিটিভি বসানোর বিষয় ভাবনাচিন্তা করা হচ্ছে।' এবার থেকে রাজ্যের স্কুলগুলি সম্পর্কে সংবাদমাধ্যমে ঠিক কী ধরনের খবর প্রকাশিত হচ্ছে, তা নিয়ে এবার রিপোর্ট নেবে শিক্ষা দফতর। ইতিমধ্যেই এই মর্মে কমিশনার অফ স্কুলের তরফে জেলার শিক্ষা পরিদর্শকের কাছে নির্দেশিকা পাঠানো হয়েছে। শিক্ষা দফতরের সূত্রে খবর, কোনও স্কুল সম্পর্কে খবর কাগজ বা বৈদ্যুতিন মাধ্যমে কোনও খবর প্রকাশিত বা সম্প্রচারিত হলে তার পূর্ণাঙ্গ রিপোর্ট জমা দিতে হবে শিক্ষা দফতর। খারাপ বা ভাল যে খবরই প্রকাশিত হোক, তা জেলা স্কুল পরিদর্শক রিপোর্ট হিসাবে পাঠাবেন শিক্ষা দফতরের কাছে। যদিও ইতিমধ্যেই জেলার প্রত্যন্ত অঞ্চলের স্কুলের সমস্যার কথা জানতে পারি না। এই সিদ্ধান্তের ফলে সব ধরনের সমস্যাই আমাদের নজরে আসবে, আমরা প্রয়োজনমতো ব্যবস্থা নিতে পারব।'

লালু জেলে গেলে গৌতম দেবের জেলে যাওয়া উচিত : সুব্রত

স্টাফ রিপোর্টার: লালু জেলে গেলে গৌতম দেবের জেলে যাওয়া উচিত। আজ কলকাতায় জল প্রকল্পের উদ্বোধনে এসে বললেন পঞ্চায়ত ও গ্রামীণ উন্নয়ন মন্ত্রী সুব্রত মুখোপাধ্যায়। বাম আমলে কলকাতার খালে বেশ কয়েকটি প্রকল্প ঘোষণা করা হয়েছিল। কয়েক কোটি খরচ করে খালে বোট চালানো ও কলকাতার খালের জল পরিষ্কার করে পবিত্র পানীয় জলের প্রকল্প শুরু হয়। কিন্তু সেই প্রকল্প দিনের আলো দেখেনি কিন্তু সরকারি তহবিল থেকে নষ্ট হয় কয়েক কোটি টাকা। লালুর যদি সরকারি টাকা নষ্ট হয় করার জন্য জেল হয় তাহলে গৌতম দেবেরও সরকারি টাকা 'কোরাপশান' করার জন্য জেল হওয়া উচিত।



সুব্রত মুখোপাধ্যায়

প্রসঙ্গত মন্ত্রী সুব্রত মুখোপাধ্যায় বলেন, মন্ত্রী গৌতম হাট-পা মেড়ে খুব লম্বা চওড়া কথা বলে। এখানে বলেছিল, জল দেবে। কিন্তু কোথা থেকে দেবে। কলকাতার খালের জল তুলে এখানে পরিষ্কার করে জল দেবে বলল। তারপর কয়েক কোটি টাকা পরিকল্পনা ছাড়াই যেখানে খাবারের জল নেই, প্রয়োগপালী নেই। পৃথিবীর কোনও দেশে একটা এমন শহর পরিকল্পনার ছাড়াই সরকারি দায়ের নেই। যদি সেই শহরের অপরিহার্য ব্যবস্থায় ঠিকঠাক না থাকে। কিন্তু রাজ্যের হাট গোপালপুর, নিউটাউন ভাঙার অবধি খাবার জলের ব্যবস্থা নেই। এদিন কলকাতার বালিকা বিদ্যালয়ের মাঠে রাজ্যের হাট গোপালপুর ও কলকাতার জল প্রকল্পের উদ্বোধন করেন মন্ত্রী সুব্রত মুখোপাধ্যায়। এই জল প্রকল্প চালু হতে এখনও কিছুটা সময় লাগবে। চালু হয়ে গেলে রাজ্যের হাট গোপালপুর, কলকাতার নিউটাউন, রাজ্যের হাট হয়ে পঞ্চায়ত এলাকা হয়ে ভাঙড়ে জল পৌঁছে দেবেন। এদিন নগরায়ন মন্ত্রী ফিরহাদ হাকিমকে পাশে বসিয়েই কংগ্রেস ও বাম আমলে গড়ে ওঠা সল্টলেক ও নিউটাউনের মতো পরিকল্পিত শহরের জল পরিষ্কার সমালোচনা করেন মন্ত্রী সুব্রত মুখোপাধ্যায়। তিনি বলেন, পানীয় জল ও প্রয়োগপালী

সরকারি স্কুলের আড়ালে অনুমোদনহীন বেসরকারি স্কুল চালানোর অভিযোগ

স্টাফ রিপোর্টার: যে সরকারি স্কুলের উন্নয়নে নিজের সাংসদ তহবিল থেকে ২০ লক্ষ টাকা দিয়েছিলেন মমতা বন্দ্যোপাধ্যায়, রাসবিহারী বিধায়ক শোভনদেব চট্টোপাধ্যায়ও তাঁর বিধায়ক তহবিল থেকে ২ লক্ষ টাকা দেন সেই স্কুলকেই। এবার সেই স্কুলের আড়ালেই বেআইনিভাবে বেসরকারি স্কুল চালানোর অভিযোগ। এমনকী কার্যত অনুমোদন ছাড়াই প্রায় ১১ বছর ধরে চলছে এই বেসরকারি স্কুলটি। এই ঘটনার জেরে স্কুলের প্রায় ২৫০ পড়ুয়ার ভবিষ্যৎ নিয়ে অনিশ্চয়তা তৈরি হয়েছে। দেশপ্রিয় পার্ক এলাকার অধিনী দত্ত মেমোরিয়াল গার্লস হাইস্কুল নামে সরকারি স্কুলের চত্বরেই এই স্কুল চলছে বলে দাবি করলেও, আদপে যে সেই দাবিও ভুলো, তাও সামনে আসে মঙ্গলবার। এমনকী স্কুলের



ওয়েবসাইটেও দেওয়া আছে সিবিএসসির অনুমোদনের কথা। সিবিএসসি বোর্ডের পরীক্ষার জন্য মঙ্গলবার বোধিবন কলেজিয়েট স্কুলে রেজিস্ট্রেশন করাতে আসে ছাত্র-ছাত্রীরা। অভিযোগ, তাদের রেজিস্ট্রেশন না করিয়ে পরে খবর দেওয়া হবে বলে জানায় স্কুল কর্তৃপক্ষ। আর তাতেই সন্দেহ বাড়ি। খবর পেয়ে স্কুলে আসেন অভিভাবকরাও। অভিযোগ, অষ্টম শ্রেণি পর্যন্ত অনুমোদন থাকলেও, একাদশ ও দ্বাদশ শ্রেণির ছাত্র-ছাত্রীদেরও ভর্তি নেওয়া হয় ওই বেসরকারি স্কুলটিতে। অন্য স্কুল থেকে দেওয়ানো হয় নবম, দশম, একাদশ ও দ্বাদশ শ্রেণির পরীক্ষা। এতদিন আসানসোলে গিয়ে

গণতন্ত্র ফেরাতে এবার প্রতিরোধের ডাক বিজেপির

স্টাফ রিপোর্টার: পঞ্চায়ত নির্বাচনের আগে তৃণমূলকে চাপে রাখতে এবার প্রতিরোধের ডাক দিল বিজেপি। স্বামী বিবেকানন্দের জন্মজয়ন্তীকে সামনে রেখে বিজেপির যুব মোর্চা প্রতিরোধ সংকল্প অভিযানের ডাক দিয়েছে। এই কর্মসূচির অংশ হিসাবে বহিষ্কারি করবেন কর্মীরা। যেটি দিখা থেকে শুরু হবে। শেষ হবে কোচবিহারে। আগামী ১২ জানুয়ারি থেকে শুরু হবে এই কর্মসূচি। চলবে ১৮ জানুয়ারি পর্যন্ত। মূলত রাজ্যে গণতন্ত্র ফেরানোর দাবিতেই বিজেপির এই প্রতিরোধ সংকল্প অভিযান। এই কর্মসূচির কথা জানিয়ে মঙ্গলবার রাজ্য বিজেপির যুব মোর্চার সভাপতি দেবজিৎ সরকার বলেন, 'রাজ্যে ৩৪ বছর ধরে ক্ষমতায় ছিল বামেরা। তখনও আইন বলে কিছু ছিল না। গত ৬ বছরে তৃণমূলের জমানাতেও আইন বলে কিছু নেই। গণতন্ত্রও নেই। এসব নিয়ে এতদিন প্রতিবাদ হয়েছে। এবার আমরা প্রতিরোধের ডাক দিয়েছি আইনের শাসন ফেরানোর দাবিতে।'